

Anzeigebblatt

für die Erzdiözese Freiburg.

N^o. 16.

Donnerstag, den 3. September

1908.



SANCTISSIMI DOMINI NOSTRI

PII

DIVINA PROVIDENTIA

PAPAE X.

IN QUINQUAGESIMO NATALI SACERDOTII SUI EXHORTATIO
AD CLERUM CATHOLICUM.



DILECTI FILII

SALUTEM ET APOSTOLICAM BENEDICTIONEM.

Haerent animo penitus, suntque plena formidinis, quae gentium Apostolus ad Hebraeos scribebat¹⁾, quum illos commonens de obedientiae officio praepositis debita, gravissime affirmabat: *Ipsi enim pervigilant, quasi rationem pro animabus vestris reddaturi*. Haec nimirum sententia si ad omnes pertinet, quotquot in Ecclesia praesunt, at maxime in Nos cadit, qui, licet impares, supremam in ea auctoritatem, Deo dante, obtinemus. Quare noctu atque interdium sollicitudine affecti, meditari atque eniti non intermittimus quaecumque ad incolumitatem faciant et incrementa

dominici gregis. Inter haec unum praecipue Nos occupat: homines sacri ordinis eos omnino esse, qui pro muneris officio esse debent. Persuasum enim habemus, hac maxime via de religionis statu bene esse laetiusque sperandum. Idcirco, statim ut Pontificatum inivimus, quamquam, universitatem cleri contuentibus, multiplices eius laudes elucebant, tamen venerabiles fratres catholici orbis Episcopos impensissime hortandos censuimus, ut nihil constantius nihil efficacius agerent, quam ut Christum formarent in iis, qui formando in ceteris Christo rite destinantur. Sacrorum autem Antistitum quae fuerint in hac re voluntates probe novimus. Novimus qua providentia, qua navitate in excolendo ad virtutem clero assidue connituntur: de quo illis non tam laudem impertivisse, quam gratias palam habuisse libet.

¹⁾ XIII, 17.

At vero, quum ex huiusmodi Episcoporum curis iam plures e clero gratulamur caelestes concepisse ignes, unde gratiam Dei, ex impositione manuum presbyterii susceptam, vel resuscitarunt vel acuerunt; tum adhuc conquerendum superest, alios quosdam per diversas regiones non ita se probare, ut in ipsos tamquam in speculum, prout dignum est, plebs christiana coniciens oculos, sumere possit quod imitetur. Ad hos porro cor Nostrum per hasce litteras patere volumus; videlicet ut cor patris, quod in conspectu aegrotantis filii anxia palpat caritate. Hac igitur suadente, hortationibus Episcoporum hortationes addimus Nostras: quae, quamvis eo spectent potissimum ut devios torpentesve ad meliora revocent, tamen etiam ceteris admoveant velimus incitamenta. Commonstramus iter quo quisque studiosius in dies contendat ut vere sit, qualem Apostolus nitide expressit, *homo Dei*¹⁾, iustaeque expectationi Ecclesiae respondeat. — Nihil plane inauditum vobis aut cuiquam novum dicemus, sed quae certe commeminisse omnes oportet; spem autem indit Deus, vocem Nostram fructum non exiguum esse habituram. Id equidem flagitamus: *Renovamini . . . spiritu mentis vestrae, et induite novum hominem, qui secundum Deum creatus est in iustitia, et sanctitate veritatis*²⁾: eritque hoc a vobis in quinquagesimo sacerdotii Nostri natali pulcherrimum acceptissimumque munus. Quumque Nos, *in animo contrito et spiritu humilitatis*³⁾, exactos in sacerdotio annos recogitabimus Deo; quidquid humani dolendum sit, videbimur quodammodo expiare, admonendo vos et cohortando *ut ambuletis digne Deo per omnia placentes*⁴⁾. — Qua tamen in hortatione, non vestras tantum utilitates tuebimur, sed communes etiam catholicarum gentium; quum aliae ab aliis dissociari nequaquam possint. Etenim non eiusmodi est sacerdos, qui bonus malusve uni sibi esse queat; sed eius ratio et habitus vitae sane quantum habet consequentis effectus in populum. Sacerdos reapse bonus ubi est, quale ibi donum et quantum est!

Hinc porro, dilecti filii, hortationis Notrae exordium capimus, ut vos nimirum ad eam vitae sanctimoniam, quam dignitatis gradus postulat, excitemus. — Quicumque enim sacerdotio potitur, eo non sibi tantum, sed aliis potitur: *Omnis namque Pontifex ex hominibus assumptus, pro hominibus constituitur in iis, quae sunt ad Deum*⁵⁾. Idipsum et Christus indicavit, qui ad significandum quo demum actio sacerdotum spectet, eos cum sale itemque cum luce comparatos voluit. Lux ergo mundi, sal terrae, sacerdos est. Neminem sane fugit id praecipue fieri christiana veritate tradenda:

1) I Tim. VI, 11.
2) Ephes. IV, 23, 24.
3) Dan. III, 39.
4) Coloss. I, 10.
5) Hebr. V, 1.

at vero quem pariter fugiat, institutionem eiusmodi pro nihilo fere esse, si, quae sacerdos verbo tradat, exemplo suo non comprobet? Qui audiunt, contumeliose ii quidem, sed non immerito obiicient: *Confitentur se nosse Deum, factis autem negant*¹⁾; doctrinamque respuent, nec sacerdotis fruentur luce. Quam ob rem ipse Christus, factus sacerdotum forma, re primum, mox verbis docuit: *Coepit Iesus facere, et docere*²⁾. — Item sanctimonia posthabita, nihil admodum sacerdos sal terrae esse poterit; corruptum enim et contaminatum integritati minime aptum est conferendae: unde autem sanctitas abest, ibi corruptionem inesse oportet. Quapropter Christus, eamdem insistens similitudinem, sacerdotem tales sal infatuatum dicit, quod *ad nihilum valet ultra, nisi ut mittatur foras, atque adeo conculcetur ab hominibus*³⁾.

Quae quidem eo apertius patent, quod sacerdotali munere haud nostro nos fungimur nomine, sed Christi Iesu. *Sic nos, inquit Apostolus, existimet homo ut ministros Christi, et dispensatores mysteriorum Dei*⁴⁾: *pro Christo ergo legatione fungimur*⁵⁾. — Hac nempe de causa Christus ipse, non ad servorum, sed ad amicorum numerum nos adscripsit: *Iam non dicam vos servos . . . Vos autem dixi amicos: quia omnia quaecumque audivi a Patre meo, nota feci vobis . . . Elegi vos, et posui vos ut eatis, et fructum afferatis*⁶⁾. — Est igitur nobis persona Christi gerenda: legatio vero ab ipso data sic obeunda, ut quo ille intendit, eo nos pertingamus. Quoniam vero *idem velle idem nolle, ea demum firma amicitia est*; tenemur, ut amici, hoc sentire in nobis, quod et in Christo Iesu, qui est *sanctus, innocens, impollutus*⁷⁾: ut legati ab eo, debemus doctrinis eius ac legi conciliare fidem hominum, easdem nimirum nos ipsi primum servantes: ut potestatis eius participes ad animos vinculis culparum levandos, conari nos omni studio oportet ne illis implicemur. At maxime ut ministri eius in praecellentissimo sacrificio, quod perrenni virtute pro mundi vita innovatur, debemus ea animi conformatione uti, qua ille ad aram crucis seipsum obtulit hostiam immaculatam Deo. Nam si olim, in specie solummodo ac figura, tanta a sacerdotibus postulabatur sanctitas; ecquid a nobis, quum victima est Christus? *Quo non oportet igitur esse puriorem tali fruentem sacrificio? quo solari radio non splendidiorem manum carnem hanc dividentem? os quod igni spiritali repletur, linguam quae tremendo nimis sanguine rubescit*⁸⁾? Perapte S. Carolus Borromeus, in orationibus ad clerum, sic instabat; «Si

1) Tit. I, 16.
2) Act. I, 1.
3) Matth. V, 13.
4) I Cor. IV, 1.
5) II Cor. V, 20.
6) Ioan. XV 15, 16.
7) Hebr. VII, 26.
8) S. Io. Chrysost. hom. LXXXII in Matth. n. 5.

«meminissimus, dilectissimi fratres, quanta et quam digna in manibus nostris posuerit Dominus Deus, quantam istiusmodi consideratio vim haberet ad nos impellendum ut vitam ecclesiasticis hominibus dignam duceremus! Quid non posuit in manu mea Dominus, quando proprium Filium suum unigenitum, sibi coaeternum et coaequalem, posuit? In manu mea posuit thesauros suos omnes, sacramenta et gratias: posuit animas, quibus illi nihil est carius, quas sibi ipsi praetulit in amore, quas sanguine suo redemit: in manu mea posuit caelum, quod et aperire et claudere ceteris possim. . . Quomodo ergo adeo ingratus esse potero tantae dignationi et dilectioni, ut peccem contra ipsum? ut illius honorem offendam? ut hoc corpus, quod suum est, inquinem? ut hanc dignitatem, hanc vitam, eius obsequio consecratam, maculem?»

Ad hanc ipsam vitae sanctimoniam, de qua iuvat paulo fusius dicere, magnis Ecclesia spectat perpetuisque curis. Sacra idcirco Seminaria instituta: ubi, si litteris ac doctrinis imbuendi sunt qui in spem cleri adolescent, at simul tamen praecipueque ad pietatem omnem a teneris annis sunt conformandi. Subinde vero, dum ipsa candidatos diuturnis intervallis gradatim promovet, nusquam, ut mater sedula, hortationibus de sanctitate assequenda parcat. Iucunda quidem ea sunt ad recordandum. Quum enim primo in sacram militiam cooptavit, voluit nos ea rite profiteri: *Dominus pars hereditatis meae, et calicis mei: tu es, qui restitues hereditatem meam mihi*¹⁾. Quibus, inquit Hieronymus, monetur clericus ut *qui, vel ipse pars Domini est, vel Dominum partem habet, talem se exhibeat, ut et ipse possideat Dominum, et possideatur a Domino*²⁾. — Subdiaconis accensendos ipsa quam graviter est allocuta! *Iterum atque iterum considerare debetis attente quod onus hodie ultro appetitis; . . . quod si hunc ordinem susceperitis, amplius non licebit a proposito resilire, sed Deo . . . perpetuo famulari, et castitatem, illo adiuvante, servare oportebit. Tum denique: Si usque nunc fuistis tardi ad ecclesiam, amodo debetis esse assidui: si usque nunc somnolenti, amodo vigiles: . . . si usque nunc inhonesti, amodo casti. . . Videte cuius ministerium vobis traditur!* — Diaconatu porro augendis sic per Antistitem a Deo precata est: *Abundet in eis totius forma virtutis, auctoritas modesta, pudor constans, innocentiae puritas et spiritualis observantia disciplinae. In moribus eorum praecepta tua fulgeant, ut suae castitatis exemplo imitationem sanctam plebs acquirat.* — Sed eo acrius movet commonitio initiandis sacerdotio facta: *Cum magno timore ad tantum gradum ascendendum est, ac providendum ut caelestis sapientia, probi mores et diuturna iustitiae observatio ad id electos commendet . . . Sit odor vitae vestrae delectamentum Ecclesiae Christi, ut praedicatione atque exemplo aedi-*

ficetis domum, idest familiam Dei. Maximeque omnium urget illud gravissime additum: *Imitāmini quod tractatis: quod profecto cum Pauli praecepto congruit: ut exhibeamus omnem hominem perfectum in Christo Iesu*¹⁾.

Talis igitur quum sit mens Ecclesiae de sacerdotum vita, mirum nemini esse possit, quod sancti Patres ac Doctores omnes ita de ea re consentiant, ut illos fere nimios quis arbitretur: quos tamen si prudenter aestimemus, nihil eos nisi apprime verum rectumque docuisse iudicabimus. Eorum porro sententia haec summam est. Tantum scilicet inter sacerdotem et quemlibet probum virum intercedere debet discriminis, quantum inter caelum et terram: ob eamque causam, virtuti sacerdotali cavendum non solum ne gravioribus criminibus sit affinis, sed ne minimis quidem. In quo virorum tam venerabilium iudicio Tridentina Synodus stetit, quum monuit clericos ut fugerent *levia etiam delicta, quae in ipsis maxima essent*²⁾: maxima scilicet, non re ipsa, sed respectu peccantis, in quem, potiore iure quam in templorum aedificia, illud convenit: *Domum tuam decet sanctitudo*³⁾.

Iam sanctitas eiusmodi, qua sacerdotem carere sit nefas, videndum est in quo sit ponenda: id enim si quis ignoret vel praepostere accipiat, magno certe in discrimine versatur. Equidem sunt qui putent, quin etiam profiteantur, sacerdotis laudem in eo collocandam omnino esse, ut sese aliorum utilitatibus totum impendat: quamobrem, dimissa fere illarum cura virtutum, quibus homo perficitur ipse (eas ideo vocitant *passivas*), aiunt vim omnem atque studium esse conferenda ut *activas* virtutes quis excolat exercentque. Haec sane doctrina mirum quantum fallaciae habet atque exitii. De ea Decessor noster fel. rec. sic pro sua sapientia edixit⁴⁾: «Christianas . . . virtutes, alias temporibus aliis accomodatatas esse, is solum velit, qui Apostoli verba non meminerit: *Quos praescivit, et praedestinavit conformes fieri imaginis Filii sui*⁵⁾. Magister et exemplar sanctitatis omnis Christus est; ad cuius regulam aptari omnes necesse est, quotquot avent beatorum sedibus inseri. Iamvero haud mutatur Christus progredientibus saeculis, sed idem *heri, et hodie: ipse et in saecula*⁶⁾. «Ad omnium igitur aetatum homines pertinet illud: *Discite a me, quia mitis sum, et humilis corde*⁷⁾; «nulloque non tempore Christus se nobis exhibet *factum obedientem usque ad mortem*⁸⁾; valetque quavis aetate Apostoli sententia: *Qui . . . sunt Christi, carnem suam crucifixerunt cum vitiis et concupis-*

¹⁾ Coloss. I, 28.

²⁾ Sess. XXII, de reform., c. 1.

³⁾ Ps. XCII, 5.

⁴⁾ Ep. *Testem benevolentiae*, ad Archiep. Baltimor., 22 ian. 1899.

⁵⁾ Rom. VIII, 29.

⁶⁾ Hebr. XIII, 8.

⁷⁾ Matth. XI, 29.

⁸⁾ Philipp. II, 8.

¹⁾ Ps. XV, 5.

²⁾ Ep. LII, ad Nepotianum, n. 5.

«centiis»¹⁾. — Quae documenta si quidem spectant unumquemque fidelium, propius tamen ad sacerdotes attinent: ipsique prae ceteris dicta sibi habeant quae idem Decessor Noster apostolico ardore subiecit: »Quas »utinam virtutes multo nunc plures sic colerent, ut »homines sanctissimi praeteritorum temporum! qui »demissione animi, obedientia, abstinentia, *potentes* »fuerunt *opere et sermone*, emolumento maximo, nedum »religiosae rei, sed publicae ac civilis.« Ubi animadvertere non abs re fuerit, Pontificem prudentissimum iure optimo singularem abstinentiae mentionem intulisse, quam evangelico verbo dicimus, abnegationem sui. Quippe hoc praesertim capite, dilecti filii, robur et virtus et fructus omnis sacerdotalis muneris continetur: hoc neglecto, exoritur quidquid in moribus sacerdotis possit oculos animosque fidelium offendere. Nam si turpis lucri gratia quis agat, si negotiis saeculi se involvat, si primos appetat accubitus ceterosque despiciat, si carni et sanguini acquiescat, si quaerat hominibus placere, si fidat persuasibilibus humanae sapientiae verbis; haec omnia inde fluunt, quod Christi mandatum negligit conditionemque respuit ab ipso latam: *Si quis vult post me venire, abneget semetipsum*²⁾.

Ista Nos quum adeo inculcamus, illud nihilo minus sacerdotem admonemus, non sibi demum soli vivendum sancte: ipse enimvero est operarius, quem Christus *exiit . . . conducere in vineam suam*³⁾. Eius igitur est fallaces herbas evellere, serere utiles, irrigare tueri ne inimicus homo superseminet zizania. Cavendum propterea sacerdoti ne, inconsulto quodam intimae perfectionis studio adductus, quidquam praetereat de muneris partibus quae in aliorum bonum conducant. Cuiusmodi sunt verbum Dei nuntiare, confessiones rite excipere, adesse infirmis praesertim morituris, ignaros fidei erudire, solari moerentes, reducere errantes, usquequaque imitari Christum: *Qui pertransiit benefaciendo et sanando omnes oppressos a diabolo*⁴⁾. — Inter haec vero insigne Pauli monitum sit menti defixum: *Neque qui plantat est aliquid, neque qui rigat: sed, qui incrementum dat, Deus*⁵⁾. Liceat quidem euntes et flentes mittere semina; liceat ea labore multo fovere: sed ut germinent edantque optatos fructus, id nempe unius Dei est eiusque praepotentis auxilii. Hoc accedit magnopere considerandum, nihil praeterea esse homines nisi instrumenta, quibus ad animorum salutem utitur Deus; ea oportere idcirco ut apta sint quae a Deo tractentur. Qua sane ratione? Num ullâ putamus vel insita vel parta studio praestantia moveri Deum ut opem adhibeat nostram ad suae gloriae amplitudinem? Nequaquam: scriptum est enim: *Quae*

*stulta sunt mundi elegit Deus, ut confundat sapientes: et infirma mundi elegit Deus, ut confundat fortia: et ignobilia mundi, et contemptibilia elegit Deus, et ea quae non sunt, ut ea quae sunt destrueret*¹⁾. Unum nimirum est quod hominem cum Deo coniungat, unum quod gratum efficiat, atque non indignum eius misericordiae administrum: vitae morumque sanctimonia. Haec, quae demum est supereminens Iesu Christi scientia, sacerdoti si desit, desunt ei omnia. Nam, ab ea disiunctae, ipsa exquisitae doctrinae copia (quam Nosmetipsi nitimur in clero provehere), ipsaque agendi dexteritas et sollertia, etiamsi emolumenti aliquid vel Ecclesiae vel singulis afferre possint, non raro tamen detrimenti iisdem sunt flebilis causa. Sanctimonia vero qui ornetur et affluat, is quam multa possit, vel infimus, mirifice salutaria in populo Dei aggredi et perficere, complura ex omni aetate testimonia loquuntur: praecclare, non remotâ memoria, Ioannes Bapt. Vianney, animarum in exemplum curator, cui honores Caelitum Beatorum Nosmet decrevisse laetamur. — Sanctitas una nos efficit, quales vocatio divina exposcit: homines videlicet mundo crucifixos, et quibus mundus ipse sit crucifixus; homines in novitate vitae ambulantes, qui, ut Paulus monet²⁾, *in laboribus, in vigiliis, in ieiuniis, in castitate, in scientia, in longanimitate, in suavitate, in Spiritu Sancto, in caritate non ficta, in verbo veritatis* seipsos exhibeant ut ministros Dei; qui unice in caelestia tendant, et alios eodem adducere omni ope contendant.

Quoniam vero, ut nemo unus ignorat, vitae sanctitas eatenus fructus est voluntatis nostrae, quoad haec gratiae subsidio roboretur a Deo, abunde nobis Deus ipse providit, ne gratiae munere, si velimus, ullo tempore careamus; idque in primis assequimur studio precandi. — Sane precationem inter et sanctimoniam is necessario intercedit usus, ut altera esse sine altera nullo modo possit. Quocirca consentanea omnino veritati est ea sententia Chrysostomi: *Arbitror cunctis esse manifestum, quod simpliciter impossibile sit absque precationis praesidio cum virtute degere*³⁾: acuteque Augustinus conclusit: *Vere novit recte vivere, qui recte novit orare*⁴⁾. Quae nobis documenta Christus ipse et crebra hortatione et maxime exemplo suo firmius persuasit. Nempe orandi causâ vel in deserta secedebat, vel montes subibat solus; noctes solidas totus in eo exigebat; templum frequenter adibat; quin etiam, stipantibus turbis, ipse erectis in caelum oculis palam orabat; denique suffixus cruci, medios inter mortis dolores, cum clamore valido et lacrimis supplicavit Patri. — Hoc igitur certum ratumque habeamus, sacerdotem, ut gradum officiumque digne sustineat suum, precandi

¹⁾ Gal. V, 24.

²⁾ Matth. XVI, 24.

³⁾ Matth. XX, 1.

⁴⁾ Act. X, 38.

⁵⁾ I Cor. III, 7.

¹⁾ I Cor. I, 27, 28.

²⁾ II Cor. VI, 5 et seqq.

³⁾ De precatione, orat. 1.

⁴⁾ Hom. IV ex 50.

studio eximie deditum esse oportere. Saepius quidem dolendum quod ipse ex consuetudine potius id faciat quam ex animi ardore; qui statis horis oscitanter psallat vel pauculas interserat preces, nec deinde ullam de die partem memor tribuat alloquendo Deo, pie sursum adspirans. Sed enim sacerdos multo impensius ceteris paruisse debet Christi praecepto: *Oportet semper orare*¹⁾; cui inhaerens Paulus tantopere suadebat: *Orationi instate, vigilantes in ea in gratiarum actione*²⁾: *Sine intermissione orate*³⁾. Animo quippe sanctimoniae propriae aequae ac salutis alienae cupido quam multae per diem sese dant occasiones ut in Deum feratur Angores intimi, tentationum vis ac pertinacia, virtutum inopia, remissio ac sterilitas operum, offensiones et negligentiae creberrimae, timor demum ad iudicia divina; haec omnia valde incitant ut ploremus coram Domino, ac, praeter impetratam opem, bonis ad ipsum meritis facile ditescamus. Neque nostrâ tantummodo ploremus causa oportet. In ea, quae latius ubique funditur, scelerum colluvione, nobis vel maxime imploranda exorandaque est divina clementia; nobis instandum apud Christum, sub mirabili Sacramento omnis gratiae benignissime prodigum: *Parce, Domine, parce populo tuo.*

Illud in hac parte caput est, ut aeternarum rerum meditationi certum aliquod spatium quotidie concedatur. Nemo est sacerdos qui possit hoc sine gravi incuriae nota et animae detrimento praetermittere. Ad Eugenium III, sibi quondam alumnum, tunc vero romanum Pontificem, Bernardus Abbas sanctissimus scribens, eum libere obnixequae admonebat, ne unquam a quotidiana divinorum meditatione vacaret, nulla admissa excusatione curarum, quas multas et maximas supremus habet apostolatus. Id autem se iure exposcere contendebat, utilitates eiusdem exercitationis ita enumerans prudentissime: *Fontem suum, id est mentem, de qua oritur, purificat consideratio. Deinde regit affectus, dirigit actus, corrigit excessus, componit mores, vitam honestat et ordinat; postremo divinarum pariter et humanarum rerum scientiam confert. Haec est quae confusa disternat, hiantia cogit, sparsa colligit, secreta rimatur, vera vestigat, verisimilia examinat, ficta et fucata explorat. Haec est quae agenda praeordinat, acta recogitat, ut nihil in mente resideat aut incorrectum aut correctione egens. Haec est quae in prosperis adversa praesentit, in adversis quasi non sentit; quorum alterum fortitudinis, alterum prudentiae est*⁴⁾. Quae quidem magnarum utilitatum summa, quas meditatio parere est nata, nos item docet atque admonet, quam sit illa, non modo in omnem partem salutaris, sed admodum necessaria.

Quamvis enim varia sacerdotii munia augusta sint et plena venerationis, usu tamen frequentiore fit ut ipsa tractantes non ea plane qua par est religione perpendant. Hinc, sensim defervescente animo, facilis gressus ad socordiam, atque adeo ad fastidium rerum sacerrimarum. Accedit, quod sacerdotem quotidiana consuetudine versari necesse sit quasi *in medio nationis pravae*; ut saepe, in pastoralis ipsa caritatis perfunctione, sit sibi pertimescendum ne lateant inferni anguis insidiae. Quid, quod tam est proclive, de mundano pulvere etiam religiosa corda sordescere? Apparet igitur quae et quanta urgeat necessitas ad aeternorum contemplationem quotidie redeundi, ut adversus illecebras mens et voluntas, renovato subinde robore, obfirmentur. — Praeterea expedit sacerdoti quadam instrui facilitate assurgendi nitendique in caelestia; qui caelestia sapere, eloqui, suadere omnino debet; qui sic debet vitam suam omnem supra humana instituire, ut, quidquid pro sacro munere agit, secundum Deum agat, instinctu ductuque fidei. Iamvero hunc animi habitum, hanc veluti nativam cum Deo coniunctionem efficit maxime ac tuetur quotidianae meditationis praesidium; id quod prudenti cuique tam perspicuum est, ut nihil opus sit longius persequi. — Quarum rerum confirmationem petere licet, sane tristem, ex eorum vita sacerdotum, qui divinorum meditationem vel parvi pendunt vel plane fastidiunt. Videas enim homines, in quibus *sensus Christi*, illud tam praestabile bonum, oblauguit; totos ad terrena conversos, vana consecrantes, leviora effutientes; sacrosancta obeuntes remisse, gelide, fortasse indigne. Iampridem ipsi, unctionis sacerdotalis recenti charismate perfusi, diligenter parabant ad psallendum animam, ne perinde essent ac qui tentant Deum; opportuna quaerebant tempora locaque a strepitu remotiora; divina scrutari sensa studebant; laudabant, gemebant, exsultabant, spiritum effundebant cum Psalte. Nunc vero, quantum mutati ab illis sunt! . . . — Itemque vix quidquam in ipsis residet de alacri ea pietate quam spirabant erga divina mysteria. Quam dilecta erant olim tabernacula illa! gestiebat animus adesse in circuitu mensae Domini, et alios ad eam atque alios advocare pios. Ante sacrum quae mundities, quae preces desiderantis animae! tum in ipso agendo quanta erat reverentia, augustis caeremoniis decore suo integris; quam effusae ex praecordiis gratiae: feliciterque manabat in populum bonus odor Christi! . . . — *Rememoramini*, obsecramus, dilecti filii, *rememoramini . . . pristinos dies*¹⁾: tunc nempe calebat anima, sanctae meditationis studio enutrita.

In his autem ipsis, qui *recogitare corde*²⁾ gravantur vel negligunt, non desunt sane qui consequentem animi sui egestatem non dissimulent, excusentque, id causae obtendentes, se totos agitationi ministerii dedidisse, in

¹⁾ Luc. XVIII, 1.

²⁾ Coloss. IV, 2.

³⁾ I Thess. V, 17.

⁴⁾ *De Consid.* L. I, c. 7.

¹⁾ Hebr. X, 32.

²⁾ Ierem. XII, 11.

multiplicem aliorum utilitatem. Verum falluntur misere. Nec enim assueti cum Deo colloqui, quum de eo ad homines dicunt vel consilia christianae vitae impertiunt, prorsus carent divino afflatu; ut evangelicum verbum videatur in ipsis fere intermortuum. Vox eorum, quantavis prudentiae vel facundiae laude clarescat, vocem minime reddit Pastoris boni, quam oves salutariter audiant: strepit enim diffluitque inanis, atque interdum damnosi fecunda exempli, non sine religionis dedecore et offensione bonorum. Nec dissimiliter fit in ceteris partibus actuosae vitae: quippe vel nullus inde solidae utilitatis proventus, vel brevis horae, consequitur, imbre deficiente caelesti, quem sane devocat uberrimum *oratio humiliantis se*¹⁾. — Quo loco facere quidem non possumus quin eos vehementer doleamus, qui pestiferis novitatibus abrepti, contra haec sentire non vereantur, impensamque meditando et precando operam quasi perditam arbitrentur. Proh funesta caecitas! Utinam, secum ipsi probe considerantes, aliquando cognoscerent quorsum evadat neglectus iste contemptusque orandi. Ex eo nimirum germinavit superbia et contumacia; unde nimis amari excrevere fructus, quos paternus animus et commemorare refugit et omnino resecaere exoptat. Optatis annuat Deus; qui benigne devios respiciens, tantâ in eos copia *spiritum gratiae et precum* effundat, ut errorem deflentes suum, male desertas vias communi cum gaudio volentes repetant, cautiores persequantur. Item ut olim Apostolo²⁾, ipse Deus sit Nobis testis, quo modo eos omnes cupiamus in visceribus Iesu Christi!

Illis igitur vobisque omnibus, dilecti filii, alte insideat hortatio Nostra, quae Christi Domini est: *Videte, vigilate, et orate*³⁾. Praecipue in pie meditandi studio uniuscuiusque elaboret industria: elaboret simul animi fiducia, identidem rogantis: *Domine, doce nos orare*⁴⁾. Nec parvi quidem momenti esse nobis ad meditandum debet peculiaris quaedam causa; scilicet quam magna vis consilii virtutisque inde profluat, bene utilis ad rectam animarum curam, opus omnium perdifficile. — Cum re cohaeret, et est memoratu dignum, Sancti Caroli pastorale alloquium: «Intelligite, fratres, nil aequè ecclesiasticis omnibus viris esse necessarium ac est «oratio mentalis, actiones nostras omnes praecedens, «concomitans et subsequens: *Psallam*, inquit propheta, «*et intelligam*⁵⁾. Si Sacramenta ministras, o frater, «meditare quid facis; si Missam celebras, meditare «quid offers; si psallis, meditare cui et quid loqueris; «si animas regis, meditare quonam sanguine sint lava- «tae»⁶⁾. Quapropter recte ac iure Ecclesia nos ea

¹⁾ Eccli. XXXV, 21.

²⁾ Philipp. I, 8.

³⁾ Marc. XIII, 33.

⁴⁾ Luc. XI, 1.

⁵⁾ Ps. C. 2.

⁶⁾ Ex orationib. ad clerum.

dauidica sensa iterare frequentes iubet: *Beatus vir, qui in lege Domini meditatur; voluntas eius permanet die ac nocte; omnia quaecumque faciet semper prosperabuntur*. — Ad haec, unum denique instar omnium sit nobile incitamentum. Sacerdos enim, si *alter Christus* vocatur et est communicatione potestatis, nonne talis omnino et fieri et haberi debeat etiam imitatione factorum? . . . *Summum igitur studium nostrum sit in vita Iesu Christi meditare*¹⁾.

Cum divinarum rerum quotidiana consideratione magni refert ut sacerdos piorum librorum lectionem, eorum in primis qui divinitus inspirati sunt, coniungat assiduus. Sic Paulus mandabat Timotheo: *Attende lectioni*²⁾. Sic Hieronymus, Nepotianum de vita sacerdotali instituens, id inculcabat: *Nunquam de manibus tuis sacra lectio deponatur*: cuius rei hanc subtexebat causam: *Disce quod doceas: obtine eum, qui secundum doctrinam est, fidelem sermonem, ut possis exhortari in doctrina sana, et contradicentes revincere*. Quantum enimvero proficiunt sacerdotes qui constanti hoc praestant assuetudine; ut sapide praedicant Christum, utque mentes animosque audientium, potius quam emolliant et mulceant, ad meliora impellunt, ad superna erigunt desideria! — Sed alia quoque de causa, atque eâ in rem vestram, dilecti filii, frugifera, praeceptio valet eiusdem Hieronymi: *Semper in manu tua sacra sit lectio*³⁾. Quis enim nesciat maximam esse in amici animum vim cuiuspiam amici qui candide moneat, consilio iuvet, carpat, excitet, ab errore avocet? *Beatus, qui invenit amicum verum*⁴⁾. . . . *qui autem invenit illum, invenit thesaurum*⁵⁾. Iamvero amicos vere fideles adscribere ipsi nobis pios libros debemus. De nostris quippe officiis ac de praescriptis legitimae disciplinae graviter commonefaciunt; repressas in animo caelestes voces suscitant; desidiam propositorum castigant; dolosam obturbant tranquillitatem; minus probabiles affectiones, dissimulatas, coarguunt; pericula detegunt, saepenumero incautis patentia. Haec autem omnia sic illi tacita cum benevolentia praestant, ut se nobis non modo amicos praebeant, sed amicorum perquam optimos praebeant. Siquidem habemus, quum libeat, quasi lateri adhaerentes, intimis necessitatibus nullâ non hora promptos; quorum vox nunquam est acerba, consilium nunquam cupidum, sermo nunquam timidus aut mendax. — Librorum piorum saluberrimam efficacitatem multa quidem eaque insignia declarant exempla; at exemplum profecto eminent Augustini, cuius promerita in Ecclesiam amplissima inde auspiciis duxerunt: *Tolle, lege; tolle, lege . . . Arripui* (epistolas Pauli apostoli), *aperui et legi in silentio . . . Quasi luce*

¹⁾ De imit. Chr. I, 1.

²⁾ I Tim. IV, 13.

³⁾ Ep. LVIII ad Paulinum, n. 6.

⁴⁾ Eccli. XXV, 12.

⁵⁾ Ib., VI, 14.

*securitatis infusa cordi meo, omnis dubitationis tenebrae diffugerunt*¹⁾, Sed contra heu! saepius accidit nostra aetate, ut homines e clero tenebris dubitationis sensim offundantur et saeculi obliqua sectentur, eo praesertim quod piis divinisque libris longe alios omne genus atque ephemeridum turbam praeoptent, ea quidem scitentia errore blando ac lue. Vobis, dilecti filii, cavete: adultae provectaeque aetati ne fidite, neve sinite spe fraudulenta illudi, ita vos posse aptius communi bono prospicere. Certi custodiantur fines, tum quos Ecclesiae leges praestituant, tum quos prudentia cernat et caritas sui: nam venena istaec semel quis animo imbiberit, concepti exitii perraro quidem effugiet damna.

Porro emolumenta, tum a sacra lectione, tum ex ipsa meditatione caelestium quaesita, futura certe sunt sacerdoti uberiora, si argumenti quidpiam accesserit, unde ipsemet dignoscat an lecta et meditata religiose studeat in usu vitae perficere. Est apposite ad rem egregium quoddam documentum Chrysostomi, sacerdoti praesertim exhibitum. Quotidie sub noctem, antequam somnus obrepat, *excita iudicium conscientiae tuae, ab ipsa rationem exige, et quae interdum mala cepisti consilia . . . fodica et dilania, et de eis poenam sume*²⁾. Quam rectum id sit ac fructuosum christianae virtuti, prudentiores pietatis magistri luculenter evincunt, optimis quidem monitis et hortamentis. Praeclarum illud referre placet e disciplina Sancti Bernardi: *Integritatis tuae curiosus explorator, vitam tuam in quotidiana discussione examina. Attende diligenter quantum proficias, vel quantum deficias . . . Stude cognoscere te . . . Pone omnes transgressiones tuas ante oculos tuos. Statue te ante te, tamquam ante alium; et sic te ipsum plange*³⁾.

Etiam in hac parte probrosum vere sit, si Christi dictum eveniat: *Filii huius saeculi prudentiores filiis lucis*⁴⁾! Videre licet quanta illi sedulitate sua negotia procurent: quam saepe data et accepta conferant; quam accurate restricteque rationes subducant; iacturas factas ut doleant, seque ipsi acrius excitent ad sarcindas. Nos vero, quibus fortasse ardet animus ad aucupandos honores, ad rem familiarem augendam, ad captandam praesidio scientiae praedicationem unice et gloriam; negotium maximum idemque perarduum, sanctimoniae videlicet adeptionem, languentes, fastidiosi tractamus. Nam vix interdum apud nos colligimus et exploramus animum; qui propterea paene silvescit, non secus ac vinea pigri, de qua scriptum: *Per agrum hominis pigri transivi, et per vineam viri stulti: et ecce totum repleverant urticae, et operuerunt superficiem eius spinae, et maceria lapidum destructa*

¹⁾ Conf. I. VIII, c. 12.

²⁾ Exposit in Ps. IV, n. 8.

³⁾ Meditationes piissimae, c. V, de quotid. sui ipsius exam.

⁴⁾ Luc. XVI. 8.

*erat*¹⁾. — Ingravescit res, crebrescentibus circum exemplis pravis, sacerdotali ipsi virtuti haud minime infestis; ut opus sit vigilantius quotidie incedere ac vehementius obniti. Iam experiendo cognitum est, qui frequentem in se censuram et severam de cogitatis, de dictis, de factis peragat, eum plus valere animo, simul ad odium et fugam mali, simul ad studium et ardorem boni. Neque minus experiendo compertum, quae incommoda et damna fere accidant declinanti tribunal illud, ubi sedeat iudicans iustitia, stet rea et ipsum accusans conscientia. In ipso frustra quidem desideres eam agendi circumspectionem, quae adeo in christiano homine probatur, de minoribus quoque noxis vitandis; eamque verecundiam animi, maxime sacerdotis propriam, ad omnem vel levissimam in Deum offensam expavescentis. Quin immo indiligentia atque neglectus sui nonnunquam eo deterius procedit, ut ipsum negligent poenitentiae sacramentum: quo nihil sane opportunius infirmitati humanae suppeditavit Christus insigni miseratione. — Diffitendum certe non est, acerbeque est deplorandum, non ita raro contingerei ut qui alios a peccando fulminea sacri eloquii v, deterret, nihil tale metuat sibi culpisque obcallescat; qui alios hortatur et incitat ut labes animi ne morentur debita religione detergere, id ipse tam ignave faciat atque etiam diuturno mensium spatio cunctetur; qui aliorum vulneribus oleum et vinum salutare novit infundere, saucius ipse secus viam iaceat, nec medicam fratris manum, eamque fere proximam, providus sibi requirat. Heu quae passim consecuta sunt hodieque consequuntur, prorsus indigna coram Deo et Ecclesia, perniciose christianae multitudini, indecora sacerdotali ordini!

Haec Nos, dilecti filii, pro conscientiae officio quum reputamus, oppletur animus aegritudine, et vox cum gemitu erumpit: Vae sacerdoti, qui suum tenere locum nesciat, et nomen Dei sancti, cui esse sanctus debet, infideliter polluat! Optimorum corruptio, teterimum: *Grandis dignitas sacerdotum, sed grandis ruina eorum, si peccant; laetemur ad ascensum, sed timeamus ad lapsum: non est tanti gaudii excelsa tenuisse, quanti moeroris de sublimioribus corruisse*²⁾! Vae igitur sacerdoti, qui, immemor sui, precandi studium deserit; qui piarum lectionum pabulum respuit; qui ad se ipse nunquam regreditur ut accusantis conscientiae exaudiat voces! Neque crudescencia animi vulnera, neque Ecclesiae matris ploratus movebunt miserum, donec eae feriant terribiles minae: *Excaeca cor populi huius, et aures eius aggrava: et oculos eius claude: ne forte videat oculis suis, et auribus suis audiat, et corde suo intelligat, et convertatur, et sanem eum*³⁾. — Triste omen ab unoquoque vestrum, dilecti filii,

¹⁾ Prov. XXIV. 30, 31.

²⁾ S. Hieron. in Ezech. I. XIII, c. 44, v. 30.

³⁾ Is. VI, 10.

avertat dives in misericordia Deus: ipse qui Nostrum intuetur cor, nulla prorsus in quemquam amaritudine affectum, sed omni pastoris et patris caritate in omnes permotum: *Quae est enim nostra spes, aut gaudium, aut corona gloriae? nonne vos ante Dominum nostrum Iesum Christum*¹⁾?

At videtis ipsi, quotquot ubique estis, quaenam in tempora, arcano Dei consilio, Ecclesia inciderit. Videte pariter et meditamini quam sanctum officium vos teneat, ut a qua tanto dignitatis honore donati estis, eidem contendatis adesse et succurrere laboranti. Itaque in clero, si unquam alias, nunc opus maxime est virtute non mediocri; in exemplum integra, exacta, operosa, paratissima demum facere pro Christo et pati fortia. Neque aliud quidquam est quod cupidior Nos animo precemur et optemus vobis singulis et universis. — In vobis igitur intemerato semper honore floreat castimonia, nostri ordinis lectissimum ornamentum; cuius nitore sacerdos, ut adsimilis efficitur angelis, sic in christiana plebe venerabilior praestat sanctisque fructibus fecundior. — Vigeat perpetuis auctibus reverentia et obedientia, iis sollemni ritu promissa, quos divinus Spiritus rectores constituit Ecclesiae: praecipue in obsequio huic Sedi Apostolicae iustissime debito mentes animique arctioribus quotidie fidelitatis nexibus devinciantur. — Excellatque in omnibus caritas, nullo modo quaerens quae sua sunt: ut, stimulis qui humanitas urgent invidiae contentionis cupidaeve ambitionis cohibitis, vestra omnium studia ad incrementa divinae gloriae fraterna aemulatione conspirent. Vestrae beneficia caritatis *multitudo magna languentium, caecorum, claudorum, aridorum*, quam miserrima, expectat; vel maxime expectant densi adolescentum greges, civitatis et religionis spes carissima, fallaciis undique cincti et corruptelis. Studete alacres, non modo sacra catechesi impertienda, quod rursus enixiusque commendamus, sed, omni quacumque liceat ope consilii et sollertiae, bene optimeque mereri de omnibus. Sublevando, tutando, medendo, pacificando, hoc demum velitis ac propemodum sitiatis, lucrari vel obstringere animas, Christo. Ab inimicis eius heu quam impigre, quam laboriose, quam non trepide agitur instatur, exitio animarum immenso! — Ob hanc potissime caritatis laudem Ecclesia catholica gaudet et gloriatur in clero suo, christianam pacem evangelizante, salutem atque humanitatem afferente, ad gentes usque barbaras: ubi ex magnis eius laboribus, profuso nonnunquam sanguine concecratis, Christi regnum latius in dies profertur, et fides sancta enitet novis palmis augustior. — Quod si, dilecti filii, effusae caritatis vestrae officiis simultas, convicium, calumnia, ut per saepe fit, responderit, nolite ideo tristitiae succumbere, *nolite deficere bene facientes*²⁾. Ante oculos obver-

sentur illorum agmina, numero meritisque insignia, qui per Apostolorum exempla, in contumeliis pro Christi nomine asperrimis, *ibant gaudentes, maledicti benedicebant*. Nempe filii sumus fratresque Sanctorum, quorum nomina splendent in libro vitae, quorum laudes nuntiat Ecclesia: *Non inferamus crimen gloriae nostrae*¹⁾!

Instaurato et aucto in ordinibus cleri spiritu gratiae sacerdotalis, multo quidem efficacius valebunt Nostra, Deo adspirante, proposita ad cetera, quaecumque late sunt, instauranda. — Quapropter ad ea quae supra exposuimus, certa quaedam adiacere visum est, tamquam subsidia eidem gratiae custodiendae et alendae opportuna. Est primum, quod nemini sane non cognitum et probatum, sed non item omnibus re ipsa exploratum est, pius animae recessus ad Exercitia, quae vocant, spiritualia; annuus, si fieri possit, vel apud se singulatim, vel potius unâ cum aliis, unde largior esse fructus consuevit; salvis Episcoporum praescriptis. Huius instituti utilitates iam Ipsi satis laudavimus, quum nonnulla in eodem genere ad cleri romani disciplinam pertinentia ediximus²⁾. — Nec minus deinde proficiet animis, si consimilis recessus, ad paucas horas, mensstruus, vel privatim vel communiter habeatur: quem morem libentes videmus pluribus iam locis inductum, ipsis Episcopis faventibus, atque interdum praesidentibus coetui. — Aliud praeterea cordi est commendare: adstrictiorem quamdam sacerdotum, ut fratres addecet, inter se coniunctionem, quam episcopalis auctoritas firmet ac moderetur. Id sane commendabile, quod in societatem coalescant ad mutuam opem in adversis parandam, ad nominis et munerum integritatem contra hostiles astus tuendam, ad alias istiusmodi causas. At pluris profecto interest, consociationem eos inire ad facultatem doctrinae sacrae excolendam, in primisque ad sanctum vocationis propositum impensiore cura retinendum, ad animarum provehendas rationes, consiliis viribusque collatis. Testantur Ecclesiae annales, quibus temporibus sacerdotes passim in communem quamdam vitam conveniebant, quam bonis fructibus id genus societas abundavit. Tale aliquid quidni in hanc ipsam aetatem, congruenter quidem locis et muniis, revocari queat? pristini etiam fructus, in gaudium Ecclesiae, nonne sint recte sperandi? — Nec vero desunt instituti similis societates, sacrorum Antistitum comprobatione auctae; eo utiliores, quo quis maturius, sub ipsa sacerdotii initia, amplectatur. Nosmetipsi unam quamdam, bene aptam experti, fovimus in episcopali munere; eandem etiamnum aliasque singulari benevolentia prosequimur. — Ista sacerdotalis gratiae adiumenta, eaque item quae vigil Episcoporum prudentia pro rerum opportunitate suggerat, vos, dilecti filii, sic aestimate, sic adhibete, ut magis in dies

¹⁾ I. Thess. II, 19

²⁾ II. Thess. III, 13.

¹⁾ I. Mach. IX, 10.

²⁾ Ep. *Experiendo* ad Card. in Urbe Vicarium, 27 dec. 1904.

magisque *digne ambuletis vocatione qua vocati estis*¹⁾, ministerium vestrum honorificantes, et perficientes in vobis Dei voluntatem, quae nempe est *sanctificatio vestra*.

Huc enimvero feruntur praecipuae cogitationes curaeque Nostrae: propterea sublatis in caelum oculis, supplices Christi Domini voces super universum clerum frequenter iteramus: *Pater sancte . . . sanctifica eos*²⁾. In qua pietate laetamur permultos ex omni fidelium ordine Nobiscum comprecantes habere, de communi vestro et Ecclesiae bono vehementer sollicitos: quin etiam iucundum accidit, haud paucas esse generosioris virtutis animas, non solum in sacratis septis, sed in media ipsa saeculi consuetudine, quae ob eandem causam sese victimas Deo votivas non intermissa contentione exhibeant. Puras eximiasque eorum preces in odorem suavitatis summus Deus accipiat, neque humillimas abnuat preces Nostras. Faveat, exoramus, clemens idem et providus: atque e sanctissimo dilecti


Filii sui Corde divitias gratiae, caritatis, virtutis omnis universum in clerum largiatur. — Postremo, libet gratam ex animo vicem referre vobis, dilecti filii, de votis faustitatis quae, appetente sacerdotii Nostri natali quinquagesimo, multiplici pietate obtulistis: votaue pro vobis Nostra, quo cumulatus eveniant, magnae Virgini Matri concredita volumus, Apostolorum Reginae. Haec etenim illas sacri ordinis felices primitias exemplo suo edocuit quemadmodum perseverarent unanimes in oratione, donec induerentur superna virtute: eandemque ipsis virtutem multo sane ampliolem sua deprecatione impetravit, consilio auxit et communit, ad fertilitatem laborum laetissimam. — Optamus interea, dilecti filii, ut pax Christi exultet in cordibus vestris cum gaudio Spiritus Sancti; auspice Apostolica Benedictione, quam vobis omnibus peramanti voluntate impertimus.

Datum Romae, apud Sanctum Petrum, die IV Augusti anno MCMVIII, Pontificatus Nostri ineunte sexto.

PIVS PP. X

¹⁾ Ephes. IV, 1.

²⁾ Ioann. XVII, 11, 17.



Decretum quo festum Septem Dolorum B. M. V.,
Dominicae tertiae Septembris affixum, ad ritum duplicem secundae
classis elevatur pro universa Ecclesia.

URBIS ET ORBIS.

Dolores Virginis Deiparae etsi duplici festo in universa Ecclesia per annum recolantur, videlicet Feria sexta post Dominicam Passionis ac Dominica tertia Septembris; utrumque tamen festum mobile Beatae Mariae Virginis, utpote secundarium, sub ritu duplici tantummodo maiori celebratur. Quo vero eiusdem Virginis Perdolentis cultus augeatur, et fidelium pietas gratique animi sensus magis magisque foveantur erga misericordem humani generis Conredemptricem; Rmus Pater Prior generalis Ordinis Servorum B. M. V., qui potissimum ipsam Matrem Dolorosam veluti suam Conditricem et praecipuam Patronam venerantur, occasionem nactus qua proxime adfuturo Septembri (mense Virginis Doloribus recolendis sacro) quinquagesimus annus ab inito sacerdotio Sanctissimi Domini Nostri Pii Papae X feliciter completur, supplicibus votis totius Regularis Familiae eundem Sanctissimum Dominum Nostrum rogavit, ut etiam ad perennem rei memoriam, festum Septem Dolorum B. M. V., Dominicae tertiae Septembris affixum, ad ritum duplicem saltem secundae classis pro universa Ecclesia elevare dignaretur. Sanctitas porro Sua, referente infrascripto Cardinali Sacrorum Rituum Congregationi Praefecto, eiusmodi preces peramanter excipiens, festum Septem Dolorum B. M. V., quod enunciatae Dominicae adsignatum fuit, in posterum sub ritu duplici secundae classis ubique recolendum decrevit: servatis Rubricis. Contrariis non obstantibus quibuscumque. Die 13 Mai 1908.

S. Card. Cretoni, *Praefectus*.

† D. Panici, Archiep. Laodicen., *Secretarius*.

Die Wahl der Katholischen Kirchensteuervertretung betreffend.

Bekanntmachung.

1.

Nr. 9848. Gemäß § 12 und 29 der Erzbischöflichen Verordnung vom 27. Dezember 1899 in der Fassung vom 8. Juli 1908, die Organisation der Katholischen Kirchensteuervertretung betreffend (Anzeigebblatt für die Erzbischöfliche Freiburg 1908 Nr. 12) wird

die Wahl der weltlichen Mitglieder und Ersatzmänner der Katholischen Kirchensteuervertretung auf

Sonntag, den 11. Oktober d. Js.,

die Wahl der geistlichen Mitglieder und Ersatzmänner auf

Mittwoch, den 14. Oktober d. Js.,

anberaunt.

2.

Zu Wahlkommissären werden ernannt:

a. für die Wahl der weltlichen Mitglieder und Ersatzmänner gemäß Anlage A der vorerwähnten Erzbischöflichen Verordnung für den

1. **Wahlbezirk:** Herr Dekan Geistl. Rat Monsignore Werber in Radolfzell.
2. " " " Geistl. Rat Burger in Göggingen.
3. " " " Philipp in Bergheim.
4. " " " Weber in Engen.
5. " " " Blattmann in Reifelsingen.
6. " " " Geistl. Rat Schill in Tiengen.
7. " " " Geistl. Rat Hund in Säckingen.
8. " " " Duzzi in Heiterzheim.

9. Wahlbezirk: Herr Dekan Geistl. Rat Steiger in Kirchhofen.
- | | | | |
|-----|---|---|---|
| 10. | " | " | Kammerer Krämer in Heddingen. |
| 11. | " | " | Dekan Eckhard in Rippoldsau. |
| 12. | " | " | Geistl. Rat Hennig in Kappel a. Rh. |
| 13. | " | " | Halbig in Bühl, Amt Offenburg. |
| 14. | " | " | Kammerer Seelinger in Oberkirch. |
| 15. | " | " | Dekan Prälat Geistl. Rat Dr. Lender in Sasbach. |
| 16. | " | " | Stadtpfarrer Martin in Baden. |
| 17. | " | " | Dekan Zimmermann in Gernsbach. |
| 18. | " | " | Albert in Ettlingen. |
| 19. | " | " | Leist in Pforzheim. |
| 20. | " | " | Peter Schäfer in Stettfeld. |
| 21. | " | " | Franz Eduard Schäfer in Huttenheim. |
| 22. | " | " | Blöder in Schwellingen. |
| 23. | " | " | Egenberger in Zuzenhausen. |
| 24. | " | " | Hehn in Waldstetten. |
| 25. | " | " | Werr in Wiffigheim. |
| 26. | " | " | Dompfarrer Brettle in Freiburg. |
| 27. | " | " | Ehrendomherr Geistl. Rat Knörzer in Karlsruhe. |
| 28. | " | " | Bauer in Mannheim. |

b. für die Wahl der geistlichen Mitglieder und Ersatzmänner gemäß Anlage B der cit. Erzbischöflichen Verordnung für den

- | | | | |
|----|-------------|---|--|
| 1. | Wahlbezirk: | Herr Dekan Geistl. Rat Monsignore Werber in Radolfzell. | |
| 2. | " | " | Lehmann in Grafenhausen Amt Bonndorf. |
| 3. | " | " | Geistl. Rat Hund in Säckingen. |
| 4. | " | " | Domkapitular Prälat Dr. Rudolf in Freiburg. |
| 5. | " | " | Dekan Geistl. Rat Hennig in Kappel a. Rh. |
| 6. | " | " | Ehrendomherr Geistl. Rat Knörzer in Karlsruhe. |
| 7. | " | " | Baur in Weingarten. |
| 8. | " | " | Leuser in Osterburken. |

3.

Mit Bezug auf vorstehendes Ausschreiben obiger Wahl bringen wir noch folgendes zur Kenntnis der Beteiligten:

a. § 14 der Erzbischöflichen Verordnung vom 27. Dezember 1899 in der Fassung vom 8. Juli 1908 hat den Sinn:

Ist am Pfarrorte ein Stiftungsrat, in welchem sich Vertreter aller Filialorte befinden, so wählt nur dieser gemeinsame Stiftungsrat, gleichgültig ob für die Filialen daneben noch besondere Stiftungsräte bestehen. Soweit Filiale nicht in einem gemeinsamen Stiftungsrat vertreten sind, aber eigene Stiftungsräte haben, werden deren gewählte Mitglieder zur Wahlhandlung gemeinsam mit denjenigen des Stiftungsrates des Pfarrortes oder der Pfarrei beigezogen.

b. Zur Erleichterung der Arbeit und zugleich zur Herbeiführung größerer Uebersichtlichkeit sind Impressen hergestellt worden.

Die Impressen für die Wahlprotokolle und Gegenliste sind durch die Stiftungsräte direkt von den Druckereien der Badenia in Karlsruhe, Josef Dilger, Caritas und Presbverein in Freiburg zu beziehen.

Die Impressen für

1. Einladung zur Wahl der geistlichen Vertreter;
2. Anordnung einer etwaigen Nachwahl;
3. Benachrichtigung der Stiftungsräte vom Wahltag gemäß § 12 Absatz 3 der Erzbischöflichen Verordnung vom 27. Dezember 1899 in der Fassung vom 8. Juli 1908.
4. Zusammenstellung des Wahlergebnisses aus den einzelnen Stiftungsräten, sowie

5. eine Übersicht der Seelenzahlen für die nach § 25 anzustellende Berechnung werden bei der besonderen diesseits gemäß § 12 Absatz 2 und § 29 der Erzbischöflichen Verordnung stattfindenden Benachrichtigung der Herren Wahlkommissäre und Dekane angeschlossen bezw. rechtzeitig nachgeliefert.

Die unter Ziffer 3 genannte Benachrichtigung wird dahier ausgefüllt und von den Herren Wahlkommissären sodann unterzeichnet und versandt.

Bei der „Zusammenstellung des Wahlergebnisses“ sind in der Impresse unter allen Umständen die beiden Verzeichnisse auszufüllen. Im übrigen ist die Impresse für alle Eventualitäten eingerichtet und sind somit jeweils die im konkreten Fall nicht in Betracht kommenden Stellen zu streichen.

Etwa übrig bleibende Impressen wären i. Zt. bei Vorlage der Wahlakten anher zurückzugeben.

Die den Herren Wahlkommissären und Dekanen erwachsenden Auslagen sind zu verzeichnen und das Kostenverzeichnis ist i. Zt. anher vorzulegen.

Etwaige Zweifel über die Wahlordnung wollen spätestens bis zum 22. September d. J. anher vorgetragen werden.

Freiburg, den 1. September 1908.

Erzbischöfliches Ordinariat.

Kirchliches Handbuch von P. Krose betreffend.

Nr. 9755. Schon lange hat man es als einen empfindlichen Mangel gefühlt, daß wir in Deutschland ein statistisches Handbuch oder Jahrbuch der katholischen Kirche nicht besitzen, und wiederholt ist in der Öffentlichkeit der Wunsch nach einer solchen Publikation ausgesprochen worden. Schon seit 35 Jahren besitzen die Protestanten ein „Kirchliches Jahrbuch“, das sich sehr bewährt hat und durch den evangelischen Oberkirchenrat in Berlin allen Pfarrämtern und Presbyterien der Landeskirche dringend zur Anschaffung empfohlen ist.

In erfreulicher Weise ist dem bisher bestehenden Mangel auf katholischer Seite durch das Erscheinen des „Kirchlichen Handbuchs“, herausgegeben von P. Krose S. J., Freiburg, Herdersche Verlagshandlung 1908, abgeholfen worden.

Das Handbuch bietet eine kurze, aber zuverlässige Orientierung über die wichtigsten Fragen des kirchlichen Lebens. Es gibt Aufschluß über die Organisation der Kirche im deutschen Reiche, ihren Bestand an Mitgliedern und deren Verteilung über die einzelnen Gebietsteile, über ihr Wachstum, über die kirchliche Versorgung durch Welt- und Ordensklerus, über die kirchlichen Anstalten und Ordensniederlassungen, über die charitativ-soziale Tätigkeit der Kirche, das kirchliche Vereinswesen und die kirchliche Gesetzgebung u. s. w.

Die in Düsseldorf abgehaltene 55. Generalversammlung der Katholiken Deutschlands begrüßt in ihren Beschlüssen die Herausgabe des „Kirchlichen Handbuchs“ und empfiehlt die Unterstützung des Unternehmens.

Im Hinblick auf den praktischen Zweck und den reichen Inhalt empfehlen wir der Hochwürdigem Geistlichkeit die Anschaffung des genannten Handbuchs für die Privatbibliothek, wie auch für die Pfarrbibliotheken, und gestatten, wo es die Mittel der kirchlichen Fonds erlauben, auf Kosten dieser die Anschaffung.

Freiburg, den 27. August 1908.

Erzbischöfliches Ordinariat.

Pfründeauschreiben.

Nachstehende Pfründe wird anmit zur Bewerbung ausgeschrieben:

Winterspüren, Dekanats Stockach, mit einem Einkommen von 1915 *M.* außer 50 *M.* 60 *S.* für Abhaltung von 59 gestifteten Fahrtagen und außer 8 *M.* 57 *S.* für besondere kirchliche Verrichtungen.

Die Bewerber um diese Pfründe haben ihre mit den vorgeschriebenen Zeugnissen belegten und an Seine Königl. Hoheit den Großherzog gerichteten Bittgesuche um Präsentation vonseiten Allerhöchstdeselben innerhalb vier Wochen bei Großherzoglichem Ministerium der Justiz, des Kultus und Unterrichts einzureichen.

Resignation.

Seine Excellenz der Hochwürdigste Herr Erzbischof haben die Resignation des Pfarrers Johann Mez auf die Pfarrei Büchig, Dekanats Bruchsal, cum reservatione pensionis unter dem 27. August d. Js. angenommen.

Verseetzungen.

- 20. August: Alois Gartner, Vikar in Schloßau, als Pfarrkurat nach Oberscheidental.
- 20. " Wilhelm Burger, seither studienhalber beurlaubt, als Pfarrverweser nach Bombach.
- 20. " Max Bruno Schmidt, Pfarrkurat in Oberscheidental, i. g. E. nach Oberbühlertal.
- 20. " Joseph Bechtold, zuletzt beurlaubt, als Vikar nach Weiler, Dekanats Hegau.
- 20. " Hermann Leiber, Vikar in Kappelrodeck, i. g. E. nach Forbach.
- 20. " August Lehmann, Vikar in Forbach, i. g. E. nach Kappelrodeck.
- 20. " Franz Grießbaum, Vikar in Ladenburg, i. g. E. nach Breisach.
- 20. " Georg Karl, Vikar in Leimen, i. g. E. nach Michelbach.
- 20. " Konrad Unmuth, Vikar in Hechingen, als Pfarrverweser nach Dstrach.
- 20. " Eugen Amann, Vikar in Dstrach, i. g. E. nach Hechingen.
- 25. " Wilhelm Wolf, Vikar in Gengenbach, als Pfarrverweser nach Stein, Dekanats Hechingen.
- 27. " Wilhelm Kirchgessner, Vikar in Kehl, als Pfarrverweser nach Ettenheim.
- 27. " Johann Gißler, Vikar in Diersburg, i. g. E. nach Kehl.
- 27. " Albin Müller, Vikar in Weinheim, i. g. E. nach Gengenbach.
- 27. " Eugen Sommer, Vikar in Walldorf, i. g. E. nach Ladenburg.
- 27. " Neupriester Eduard Kraemer von Philippsburg als Vikar nach Walldorf.

Sterbfälle.

- 19. August: Lambert Bumiller, Pfarrer in Dstrach, Dekan des Kapitels Sigmaringen, † in Bezan, Vorarlberg.
- 23. " Wilhelm Baumann, Pfarrer in Ettenheim, † in Cortina (Tirol).
- 24. " Karl Bunkhofer, resignierter Pfarrer von Münchweier, † in Freiburg.

R. I. P.

Organistendienst-Besezung.

Als Organist wurde von dem Erzbischöflichen Ordinariate bestätigt:

- 6. August: Oberlehrer Johann Baptist Brettle als Organist an der Pfarrkirche zu Zöhlingen.

Mesnerdienst-Befehlungen.

Als Mesner wurden von dem Erzbischöflichen Ordinariate bestätigt:

- 2. Juli: Schuhmacher Joseph Herzog als Mesner an der Pfarrkirche zu Rheinheim.
- 16. " Tagelöhner Vinzenz Kohler als Mesner an der Mottkirche zu Oberbühlertal.
- 19. " Emil Heinemann als Mesner an der Pfarrkirche zu Scherzingen.
- 30. " Schreiner Karl Schuler als Mesner an der Pfarrkirche zu Niederejchach.
- 30. " Landwirt Kaspar Zang als Mesner an der Pfarrkirche zu St. Leon.
- 2. August: Landwirt Georg Fleig als Mesner an der Pfarrkirche zu Weilersbach.
- 6. " Schneidermeister Adolf Zimmermann als Mesner an der Pfarrkirche zu Büßlingen.

